

GET YOURSELF A "MEXICAN"

CHICKEN BURGER



HAVE IT YOUR WAY!



E situacion ta hopi preocupante

Shete caso di asesinato registra te awor aki

ORANJESTAD – Faltando 28 dia pa aña aki, Aruba ta wordo sacudi cu e lamentabel caso cu un hoben di 16 aña ta wordo mata dilanti di Carlos and Charlie's. Tur hende ta comenta riba e caso aki y tin diferente opinion nan cu ta interesante. Tin hende ta muestra cu ki mishi un hoben ta den e oranan ei ainda ariba caya. Tin hende a muestra cu esaki ta resultado di pelea di gang, mientras cu tin otro comentario cu ta muestra cu faltamento di respet tambe ta hunga un papel den e asunto aki.

Kico realmente a pasa, mester wordo investiga y mester duna miembronan di Recherche e tempo necesario pa nan haci nan investigacion.

SITUACION ALARMANTE

Pa loko ta trata casonan di asesinato, investigacion cu Bon Dia Aruba a haci ta muestra cu te awor aki Ministerio Publico tin registra shete caso di asesinato. Esaki ta un situacion sumamente preocupante.

Tur cos ta muestra cu e aña aki e cantidad di casonan di asesinato, ta mas halto compara cu e aña anterior y ta motibo di hopi preocupacion.

Cada un caso ta lamentabel en especial, e forma con

esaki a tuma lugar. Ta bisto cu agresion ta bay acompaña cu uso di arma y tin casonan registra di tira mata, pero tambe tin casonan registra di hinca mata y tambe maltrato cu consecuencia morto. Ministerio Publico ta hibando un maneho severo pa cu posicion di arma di candela pero asina mes tin personanan ta tuma e riesgo di busca un arma y despues ta yora malai ora nan wordo deteni.

Ora evalua e casonan di asesinato cu a tuma lugar na Aruba e aña aki, a keda constata cu luna di Juni a registra dos caso, cual ta e cantidad di mas halto den un luna pa 2006.

Tambe a keda constata cu tres caso di asesinato a tuma lugar na San Nicolas.

PROME CASO DI ASESINATO

E prome caso di asesinato registra pa 2006, a sosode dia 11 di Februari 2006. Durante e parada di lus di San Nicolas, e hoben Peralta a wordo tira mata. E sospechoso Melvin Lopez ainda su caso no a keda trata. Siman pasa diabierna un biha mas e caso a keda posponi door cu ainda e testnan di DNA na Hulanda no a keda conclui. E caso aki lo wordo trata otro aña.

DI DOS CASO DI

ASESINATO

E di dos caso di asesinato a sosode dia 16 di April 2006 den Dakota, caminda e hoben Croes a wordo hinca mata pa Hermanus. Recientemente Corte den Prome Instancia a condena Hermanus na bida largo den prison.

DI TRES CASO DI ASESINATO

E di tres caso a sosode dia 8 di Juni 2006, caminda e homber Ferdinand Dijkhoff a mata su baby di algun luna. E caso aki a bin dilanti pro forma y a keda dicidi cu e luna aki esta dia 15 di December e tratamiento lo tuma lugar.

DI CUATER CASO DI ASESINATO

E di cuater caso a sosode e mesun dia cu e lamentabel caso di e baby, esta 8 di Juni 2006. Aki e homber Wantu Wazuri Cremony (30) a hinca mata un choller na San Nicolas. Dia 27 di October 2006 e caso aki a bin dilanti pro forma y a keda dicidi cu dia 15 di December 2006 e tratamiento ta tuma lugar.

DI CINCO CASO DI ASESINATO

E di cinco caso a sosode na San Nicolas dia 1 di Juli 2006, caminda Angel Rodriguez a tira Elvis Zaval mata. Dia 24 di November e sospechoso a presenta den

Corte pero e caso tabata pro forma. A keda dicidi cu dia 19 di Januari 2007 lo trata e caso.

DI SEIS CASO DI ASESINATO

E di seis caso a sosode dia 23 di November 2006, caminda a haya un Colombiano morto ariba caminda. Algun dia despues a detene e homber S.B. como sos-

pechoso. Siman pasa Hues Comisario a prolonga su detencion.

DI SHETE CASO DI ASESINATO

E di shete caso a sosode diadomingo marduga caminda e hoben Mayron Bayne di 16 aña a bira e victima. Relaciona cu e caso aki tin un sospechoso deteni, Anthony Ignacio (27), kende ta un conoci di Polis.



SPECIAL LUNCH MENU

DECEMBER 2006

Appetizer
Cream of Broccoli Soup
OR
Empanada Argentina

Entree
Gilled Sirloin (Bottom) Steak
served with fries, sauteed broccoli garlic & corn on the cob
OR
Grilled Seafood on a skewer
combination of Mahi Mahi, Shrimp and Vegetables
served with rice, sauteed broccoli & fried plantain

Dessert
Assorted Ice Cream
OR
Crepes with dulce de Leche

\$20, = plus 15% s.c.

OFFER VALID FOR DECEMBER
FROM 11:30 TILL 5:00PM DAILY